

日本藏中國罕見地方志叢刊

〔萬曆〕


永安縣志

〔萬曆〕

福安縣志

〔萬曆〕

建陽縣志



日本藏中國罕見地方志叢刊

〔萬曆〕

永安縣志

〔萬曆〕

福安縣志

〔萬曆〕

建陽縣志

日本藏中國罕見地方志叢刊

〔萬曆〕永安縣志

〔萬曆〕福安縣志

〔萬曆〕建陽縣志

書目文獻出版社出版

（北京文津街七號）

新華書店北京發行所發行

秦皇島市資料印刷廠印刷

787×1092·1/16·29.625印張

1991年11月北京第一版 1991年11月北京第一次印刷

定價：59 圓

ISBN 7-5013-0853-5/K·98

出版說明

地方志是我國文化遺產的一個重要組成部分，也是我國古代文化發展史上特有的現象。方志的編撰源遠流長，代有修撰，明、清時期達到頂峰，產生了許多優秀之作。方志的價值也越來越多地為人們所認識，它不僅是編修新志必不可少的基礎和參考，也是今天研究古代文學、民俗學、歷史地理、天文礦藏、古代農業生產、自然災害，特別是明清以來社會歷史發展情況的資料寶庫。

據《中國地方志聯合目錄》不完全統計，流傳至今的歷代方志有八千二百餘種，其中不少流散海外，為日本、法國、美國、加拿大等國所收藏，我國國內僅有存目。為保存祖國文獻，發展民族文化，滿足國內的研究需要，北京圖書館通過各種渠道，主要是國際交換的方式，廣泛查尋、搜集流散於海外的方志，並製成縮微膠卷。我社對這批膠卷進行整理，選取了其中現為日本所藏，國內罕見的地方志近百種，編成叢刊，影印出版。

本叢刊的取舍原則以書的內容價值為主，同時兼顧版本的情況，擇優而從。選入本叢刊的方志主要是明、清兩代所修，其中百分之八十是原刻本；有十餘種《中國地方志聯合目錄》未予記載；另外，有些方志《中國地方志聯合目錄》雖收錄，卻記載有誤。還有個別方志，國內雖有刻本，但版本不精；雖有膠卷，而未及影印，廣大讀者不易得見，我們也選入了本叢刊。

《日本藏中國罕見地方志叢刊》將陸續分冊出版，預計兩年出齊。原則上，每種書為一冊；但是卷數少者數種合為一冊（以地區劃分，歸類相聚，各類中又以修撰時間先後為序），卷數多者一種析為數冊。我們在影印編輯過程中，除對個別明顯錯簡、倒置的地方進行糾正外，其餘則儘量保持原書的面貌。

本叢刊的出版得到了北京圖書館普通古籍組薛英、伍躍、鮑國強等同志的大力支持，楊殿珣先生並於百忙中為叢刊題簽，在此，我們謹致謝忱。

書目文獻出版社

一九九〇年二月

日本藏中國罕見
地方志叢刊

楊殿珣題

目錄

永安縣志九卷	一
福安縣志九卷	一〇七
建陽縣志八卷	二二一

永安縣舊誌序

郡邑有誌脩史采也史公是非示勸懲昭治忽紀往詔來垂當年得失之鏡風勵人心之大機也或謂志史之流也余以天下之史必合郡邑之志而通採以成之是豈可以易言哉仲尼作春秋因魯史舊文筆削其義而天下之亂臣賊子懼故曰知我罪我其惟春秋又曰吾志在春秋蓋位不在而道在焉以空言而託諸行事將以為是非之權衡勸懲之軌範所繇以適於

治之大端也三代以還班馬且有遺論是豈可以易言哉永安開建縣治寔自景泰三年始舊為沙縣地名浮流介在沙尤清流三縣鄧茂七伏誅後慮遺餘黨故設縣治以彈壓敷政以化導夫造化

靈秀鍾而為山川人物或顯或晦固自有時有天地以來魯有尼山鄒有嶧山即濂洛關閩亦未嘗有聞於世自春秋戰國誕生孔孟及有宋諸儒而鄒魯諸名始益重於天下永安介在沙尤亦宋五賢

將處之地予初閩臬副憲因
東西洋夙辱於反側乃建議
題請開縣治永安切通寧洋曾
行部守築城垣至永安見其
山川雄峻開朗將為人文奧
區也則知永安地雖晦於
先朝而實顯於我

明設縣後人文科甲比美他邑
節槩行誼彬彬然稱盛則其鍾
造化山川之靈秀者賴有元
哲先輩植乎綱常禮義模範
一邑以開其先今縣治建近
二百年來其官職游宦於斯
武弁捍衛於斯大夫士生長

於斯有微有惡不可無紀紀
其微者以徵其或不微推而
廣之雖一丞一簿一尉苟有
功於縣治必大書特書以詔
示將來使後之游宦於斯者
賢者企仰流風日進於賢而
黽勉不已其弗賢者即覽其

名姓罔有述錄創鑒無聞思
徙其弗賢而懲艾有加是故
其予也協於衆論而榮逾華
袞其奪也協於衆論而辱甚
斧鉞能不廩然加惕矣乎紀
士大夫之微者以勸其或不
微推而廣之或孝子順孫或

義夫節婦貞女夫或韋布隱
逸或義勇謀士苟有助於風
教有功於地方必大書特書
以昭示將來使後之生長於
斯有志於成德者日疊疊焉
有所欣艷而進於無疆陷溺
其心自疚非類者日赧赧焉

而消阻不暇能不廩然而加
省矣乎是非公而後勸懲定
勸懲定而後風教章風教章
而後治理臻是志之作也豈
易言哉若非形之紀也山川
古蹟之存也物產之脩也災
祥之必籍也貢賦之有定額

也戶口之有登耗也俾有志
於求民之瘼與恤民之困者
莫不詳覽而加之意焉昔劉
知幾謂作史貴三長學也識
也材也三者脩而後史稱良
焉故必學以本之識以貫之
材以運之三長脩而後可以

信今而傳後矣匪學則忽於
大義而綜覈弗嚴也蔽於行
私而采納弗公也泥執已見
而揚摧弗虛也匪識則誣實
罔衆而闇也矜細忽大而偏
也摘疵棄醇而隘也匪材則
蕪雜無倫而冗也浮泛失則

而靡也關蓋弗振而蠹也斯志也考訂明而取義博擬議核而甄錄嚴示法公而垂鑒遠吾知其免矣乎志作於澹齋李公杏聯合封御史林公祥大尹曾公守成郡守林公騰蛟輩嘆文獻無徵遂準古酌今叅訂靡遺合輿論秉筆成之歲庚午冬宣以閩省右使入

覲丐文以序其誌予檢閱厥誌因諗澹齋諸公之志端有在也媿六年未酌茲偶於笥中檢獲誌藁適舊治民陳赤

美來省且促此序乃書為序以授之

萬曆四年歲在丙子仲秋月吉旦

賜進士出身通奉大夫前福建布政使司右布政使萬安洞巖周賢宣拜書

永安縣誌序

夫志記也昉于禹之貢周之職方迨班史改遷書為志而後郡國倣之漸以詳矣

今制寓內治各有志而邑合于郡郡合于藩藩合于一統實兼史家志傳之體一披閱

而幅負之延袤坱圠疆場之夷險沃瘠戶賦之登耗風俗之媿惡與夫崇文經武之要忠廉孝節之懿彪見矚列即二亥不能武二酉不能藏齊諧夷堅不能志者亦犁然具焉猗與休哉以是知邑志乃

總志之所由成而國史之所摘採其所係良重矣永安巖邑也其分建自景泰壬申蓋懲鄧茂七之亂而析沙尤之壤為之縣以便治

累朝熙洽駸駸興起遂頡頏劍南所轄諸部萬曆壬辰歲

民望承乏茲土入其境則山川明秀土壤脩也蒞其堂則鈎矢簡入案牘清也勉圖職事百廢稍興獨于邑志闕焉間嘗披故籍得前令卓君所藏李魯林三先生志草然中多脫遺難卒就錄因條上其

事會

當事諸大夫軫念地方得允
可乃諏日虔事請鄉先生之
有物望者若蕭君時中賴君
萬璵而副以學博蘇君日登
楊君繼秀李君南闌編次校
閱則有若府庠余生名世邑

永安縣志

序

三

庠陳生自烝林生奇嵩又檢
閱庫中得所自理贖鍰幾九
十緡以付邑主簿夏秉彛典
史陳策經紀其費衆美咸萃
群力具舉凡三越月為萬曆
甲午孟夏而抵厥成爰進邑
搢紳青衿士衆鄉父老謂之

永安縣志

序

四

曰永安志志永安者也稽分
埜叙沿革則記之建置表形
勝紀風俗則記之治域記食
貨則土宜貢賦詳記秩統則
職官解署備綏文德則學校
而執文不遺勵武功則記兵
防而戰績亦附以至備觀省
昭勸戒則于名宦鄉賢高士
烈女之記尤加意焉諸君謂
永安分治厘厘讐獷黠固扞
圍庶其有豸乎謂邑志創立
特飾輦輅為文具已乎夫宇
宙運會隨時以庚幹旋化理
因人而振昔舜分冀青為幽

并營廣德化也

今介沙尤而永安之雖以懲
亂寔以廓治三代而下戶口
漸盛於東南至宋元豐遂當
天下十之五鄒魯既邈而宋
紫陽龜山豫章延平諸君子
相望以興永安固東南之一

永安縣志

卷五

五

隅而諸君子過化之鄉也生
齒漸蕃餘休未泯運會宜爾
民望承乏茲土幹旋寡術鯁
鯁然慮無為無之導者假諸
志以少幹將隆之運俾按尺
藉而品式難逾慕休于名宦
鄉賢高士烈女而憬然以興

也又烏知紫陽龜山豫章延
平諸君子不彬彬于永哉新
嶺以南寶山以西綿亘而環
治者令不能家喻耳提迺精
神不無有貫者尚繹茲刻而
共勗之

萬曆歲甲午季夏之吉

永安縣知縣宛陵蘇民望書

纂修姓氏

總裁

延平府知府餘姚聞金和

同知衡陽萬廷相

通判無錫趙公楷

推官遂安余 焄

永安縣知縣宣城蘇民望

刪訂

荊門州知州邑人蕭時中

晉安州知州邑人賴萬瑛

校正

儒學署教諭順德蘇日登

訓導建寧楊繼秀

程鄉李南閨

參閱

高州府通判邑人陳源湛

長樂縣知縣邑人林思錦

督刊

永安縣主簿六合張秉彝

典史豐城陳 策

纂集

邑庠生饒 儼

余名世

陳自烝

林奇嵩

經理者民賴士文

縣志

滕正儒童陳 舉

姓氏終

誌例

一國有史邑有誌彰善殛惡公典也攷今時誌大都稱善似過於詳惡則略而弗錄曷故哉太史公云孔子著春秋隱桓之間則彰至定哀之際則微志之意有由然哉雖然稱美而不稱惡固為雅道或過於飾而失其實亦豈公道乎明有一定之公論幽有不可欺之鬼神濫竿斯役慎哉慎哉

一自創邑一百四十年間聞見不及者多矣然自

正德以前則林攷有手錄自嘉靖以後則李杏有志草詳略不同典故稍備今日豈敢妄意去取於其間哉茲以往又三十年矣凡所見聞昭在心目仍攷郡之近志博取者考之見聞庶幾備省覽之一資也

一天所以始事懸象於天下示於人吉凶悔吝不能掩者至其炎鄉之氣候不能無偏荒微之節序不盡淳美若夫觀天象以致脩省之道因氣候以達節宣之宜矯其俗尚之不合於禮以反

之正則存乎其人哉

一地承天施者也山峙川流故形勝具而風俗成今永以蕞爾之地不改闢矣一百四十年生養休息之民不改聚矣所恃以安靜不擾各遂其生其惟良守牧哉茲志地里意也

一天地定位聖人成能古之聖人曷嘗不教土便民興事哉茲建置所當詳也廼畫其封疆時為沿革制鄉里都市以奠厥居設官守分職以總政治以揆文奮武則師儒以隆教化兵守以明威嚴又慎其城守險其走集謹其堤防或通往來或以崇報祀其大為廟壇為署舍為倉庫儀器其細為橋渡為舖舍為亭場建置之意蓋其詳哉倫錄而不遺要皆王道之大務也

一任土作貢從古為然若其方物之畢陳丁口之畢作固上所以任乎下下所以奉乎上皆是物也至於屯田水利亦係於土田徭役差使咸趨事之大義然人情不古法立弊生奸猾宿胥緣以為市巧取巧避上下相遁蠹毒滋矣因考攷

典則詳著頗末于篇庶幾存心民物君子省覽而知所嚮往

一宦歷於茲土皆民上也上以子視民民亦宜以父母以報上故有名宦祀以報功宦績紀以昭美其餘皆列其名籍及任之年月

一選舉有正科有雜科甲科歲貢為正例貢祿史為雜籍在別省者亦書其名例貢未授官止書其名祿則必授官始入矣至於貤移恩典坊表畢錄志榮也

永安縣志

志例

三

一人物或以耆德碩行而祀瞽宗或以文雅奇卓而樹表範皆後人所景仰者其或滛雅並奏賢不肖混淆雖微虛美於一時而有愧心於百世亦何益哉徒滋訾議矣至於貞烈行誼有關於人心風俗者何可遺也武功貴戚皆出於地方者何可泯也因畢書以見誼

一名宦祀提學熊 出於上司之檄郡不祀也而縣祀之提學宗 亦由按院檄也郡已祀之而縣不祀意者宗嘗分守延平有惠政於地方

之宜也而熊 猶祀之於縣非尊崇之實卑賤之矣余有疑未安焉敢俟議禮君子改正

一鄉賢祠祀於嘉靖中年初祀時木主陳公瓘鄧公肅鄧公文鏗而陳公世卿乃瓘之祖也昔在宋固沙之人今其所居則為今永安二十六都故址存焉丘墓在焉子孫奉祭掃者存焉其餘子孫居縣居鄉者何啻千百陳公瓘不知何時去其祀固以流寓他方不祀亦宜而世卿豈宜遺落况鄧公肅鄧公文鏗其出身時皆沙縣人

永安縣志

志例

一〇

鄧公肅讀書於永之耕欄山因號焉居址尚沙縣地方也鄧公文鏗所居今割永安既祀之而世卿獨不祀可乎余謂鄉賢宜祀陳公世卿其鄧公肅耕欄有專祀矣鄉賢不宜又祀以免重複

一祥異示懲人所創見丘墓埋王設為賢淑乃人所景仰欲起九原而不可得者仙釋者自是方外一等人寺觀勑久亦難盡廢若養濟漏澤亦王政之務皆不可闕依例書之以備考驗

目錄

一卷

天文誌

星野 氣候 節序

二卷

地理誌

山川 形勝 風俗

三卷

建置誌

疆域 沿革 坊鄉鄰里 街巷市墟

職制 俸饗 縣署 行署 學署

典藉 社學 武署 備軍器

屬署 舖舍 廟壇 城池 巡警舖

演武場 營鎮 關堡 橋渡 亭榭

四卷

田賦誌

戶口 土田 貢賦 役法 水利

坑冶 屯田 物產

五卷

宦歷誌

名宦 宦蹟

六卷

選舉誌

徵辟 科貢 例貢 吏仕 恩典

坊表

七卷

人物誌

名賢 良吏 儒林 孝義 鄉行 忠烈

貞烈 武功 貴戚

八卷

雜誌

祥異 丘墓 寺觀 善濟院 漏澤園

仙釋

九卷

藝文

目錄終